

維摩詰所說經卷第十

務十

姚秦三歲法師鳩摩羅什

譯

見阿闍佛品第十二

爾時世尊問維摩詰汝欲見如來爲以何等觀如來乎

章

肇曰向命丈殊共來見佛雖復舉目順俗而致觀不同如來逆覩其情將顯其來觀之旨以明佛事不可思議故知而問也維摩詰言如自觀身實相觀佛亦然肇曰佛者何也蓋窮理盡性大覺之称也

其道虛玄固已妙絕常境心不可以智知形不可以像測同萬物之爲而居不爲之域處言數之內而止無言之鄉非有而不可爲無非無而不可爲有寂寞虛曠物莫能測不知所以名故強謂之覺其爲至也

亦以極矣何則夫同於得者得亦得之同於失者失亦失之是以則真者同真法僞者同僞如來靈照冥諧一彼實相實相之相即如來相故經曰見實相法爲見佛也淨名自觀身實相以爲觀如來相義存於

是

我觀如來前際不來後際不去今則不住不觀色不觀色如不觀色性不觀受想行識不觀識如不觀識性

肇曰法身超絕三世非陰界入所攝故不

可以生住去來而觀不可以五陰如性而觀也

非四大起同於虛空

肇曰法身如空非四大所起造也
六入無積眼耳鼻舌身心已過

肇曰法身過六情故六入無所積

不在三界三垢已離

肇曰既越三界安得三界之垢

順三脫門明與無明等

肇曰法身無相體順三脫雖有三明而不

異無明也

不一相不異相 肇曰無像不像故不可為一像而不像故不可為異

不自相不他相

肇曰不自而同自故自而不自不他而同

卷一

二

他故他而不他無相之身豈可以一異自

他而觀其體耶

非無相非取相

肇曰既非無物之相又非可取之相

不此岸不彼岸不中流

生曰順三脫門則到彼岸矣若有到則至

彼岸矣若無到則不到也無到不到然後

爲到耳此岸者生死也彼岸者涅槃也中

流者結使也

而化衆生

肇曰欲言此岸寂同涅槃欲言彼岸生死

是妄又非中流而教化衆生此蓋道之極

也此岸生死彼岸涅槃中流聖賢也

觀於寂滅而不永滅

肇曰觀於寂滅觀即寂滅滅而不滅豈可

肇

三

形名

不此不彼不以此不以彼

肇曰不此而同此故此而不此不彼而同
彼故彼而不彼豈復以此而同此以彼而
同彼乎此明聖心無彼此有以而同也

不可以智知不可以識識

肇曰夫智識之生生於想內法身無相故
非智識之所及

無晦無明

肇曰明越三光誰謂之暗闇踰冥室誰謂
之明然則在闇而暗在明而明能闇能明
者豈明闇之所能故曰無闇無明也

無名無相

肇曰不可以名名不可以相相

無強無弱

肇曰至柔無逆誰謂之強剛無不伏誰謂
之弱
非淨非穢

肇曰在淨而淨誰謂之穢在穢而穢誰謂
之淨然則爲強弱淨穢者果非強弱淨穢

之所爲也

不在方不離方

肇曰法身無在而無不在無名故不在方
無不在故不離方

非有爲非無爲

肇曰欲言有耶無相無名欲言無耶俗應

萬形

無示無說

肇曰非六情所及豈可說以示人

不施不懼不戒不犯不忍不恚不進不怠不

肇

四

定不亂不智不愚不誠不欺

肇曰不可以善善不可以惡惡

不來不去不出不入

肇曰寂爾而往泊爾而來出幽入冥孰識

其動

一切言語道斷

肇曰體絕言徑生曰稍結之也

非福田非不福田非應供養非不應供養

肇曰無相之體莫覩其畔孰知田與非田

應與不應乎

非取非捨

肇曰取之則失真捨之則乖道

非有相非無相

肇曰寂寥無形非有相也相三十二非無

相也

同真際等法性不可稱不可量過諸稱量

肇曰無相之體同真際等法性言所不能及意所不能思越圓度之境過稱量之域

非大非小

肇曰大包天地不可爲小細入無間不可

爲大能大能小者其唯無大小乎

移十
五

非見非聞
肇曰非色故非見非聲故非聞

肇曰非香味觸故非三情所覺也

非覺

非知

肇曰非法故非意所知也

離衆結縛

肇曰無漏之體體絕結縛等諸智同衆生

生曰豈復容智出於群智自異於衆生哉於諸法無分別

肇曰等實相之智同衆生之性渾然無際

豈與法有別乎

切無得無失無濁無惱

肇曰無得故無失無清故無濁事外之體

何可惱哉

無作無起無生無滅

肇曰法身無爲絕於施造孰能作之令起
生之使滅乎

無畏無憂無喜無厭無著無已有無當有無
今有

肇曰法身無寄絕三世之有三灾不能爲
其患始終無以化其體恬淡寂泊無爲無
數豈容憂畏喜厭於其間哉

不可以一切言說分別顯示

坐曰都結之也

世尊如來身爲若此作如是觀以斯觀者名
爲正觀若他觀者名爲邪觀

爾時舍利弗問維摩詰汝於何沒而來生此

發

六

什曰見其神德奇絕來處必尊故問其所
從也維摩恐人人存歿生故下反問以明
無沒生亦云或有謂維摩生分未盡故問
其沒生下答不盡善不長惡明生分盡也
不直答者一欲屈聲聞二不欲自顯所從

之美也

維摩詰言汝所得法有沒生乎

肇曰逆問其所得以證無沒生也所得法即無爲無相法也三乘皆以無相得果也舍利弗言無沒生也若諸法無沒生相云何

問言汝於何沒而來生此

肇曰以已所得可知法相復問奚爲

於意云何譬如幻師幻作男女寧沒生耶舍利弗言無沒生也汝豈不聞佛說諸法如幻乎答曰如是若一切法如幻相者云何問

言汝於何沒而來生此

肇曰生猶化存死猶化往物無不爾獨問何爲

舍利弗沒者爲虛詐法壞敗之相生者爲虛詐法相續之相

肇曰先定沒生之相也

七

菩薩雖沒不盡善本難生不長諸惡

什曰凡夫死時起惡滅善既生則眾惡增長菩薩則不然復次凡夫善本盡故命終

長顛倒惡心然後受生菩薩則不然法化

清淨隨意所之故無此一患無此一患則
雖迹有去來而非沒生之謂也上先以性
空明無沒生今以法化自在明無沒生求
之二門則沒生無寄而問沒生失之遠矣
是時佛告舍利弗有國名妙喜佛號無動是

維摩詰於彼國沒而來生此

肇曰上答無生此出生處應物而唱未始
無益

舍利弗言未曾有也世尊是人乃能捨清淨
土而來樂此多怒害處維摩詰語舍利弗於

意云何日光出時與冥合乎答曰不也日光
出時則無衆冥維摩詰言夫日何故行闇浮
提答曰欲以明照爲之除冥維摩詰言菩薩
如是雖生不淨佛土爲化衆生不與愚闇而
共合也但滅衆生煩惱闇耳

走時大衆渴仰欲見妙喜世界無動如來及
其菩薩聲聞之衆佛知一切衆會所念告維
摩詰言善男子爲此衆會現妙喜國無動如
來及諸菩薩聲聞之衆衆皆欲見

什曰爲不脩淨國及往生者現其刹也不

遙現而接來者將顯維摩神力故也即事

則情悅而悟深故舉今現此事耳

於是維摩詰心念吾當不起于座接妙喜國
鐵圍山川溪谷江河大海泉源須彌諸山及
日月星宿天龍鬼神梵天等宮并諸菩薩聲

肇曰屈尊爲難故言乃至
閻之衆城邑聚落男女大小乃至無勤如來

肇曰屈尊爲難故言乃至

及菩提樹諸妙蓮華能於十方作佛事者

肇曰彼菩提樹及妙蓮華皆能放光明於
十方作佛事及華上化佛菩薩亦於十方

作佛事皆通取來也

三道寶階從閻浮提至忉利天以此寶階諸

天來下悉爲禮敬無動如未聽受經法

肇曰欲天報通足能凌虛然彼土以寶階
嚴飾爲遊戲之路故同以往反也

閻浮提人亦登其階上升忉利見彼諸天

肇曰嚴淨之土福慶所集人天之報相殊
未幾故同路徃反有交遊之懽娛也

妙喜世界成就如是無量功德上至阿迦膩
吒天下至水際以右手斷取如陶家輪

什曰梵本云如斷泥今言如陶家輪明就中央斷取如陶家輪下不著地四邊相絕也

入此世界猶持華髮示一切衆作是念已入於三昧現神通力

華

九

肇曰重爲輕根靜爲躁君非三昧之力無

以運神足之動

以其右手斷取妙喜世界置於此土彼得神通菩薩及聲聞衆并餘天人俱發聲言唯然世尊誰取我去願見救護

肇曰大通菩薩逆見變瑞爲衆而問其餘天人未了而問恐畏未盡故求救護

無動佛言非我所爲是維摩詰神力所作其餘未得神通者不覺不知已之所徃妙喜世界雖入此土而不增減於是世界亦不迫隘

如本無異

爾時釋迦牟尼佛告諸大衆汝等且觀妙喜世界無動如來其國嚴飾菩薩行淨弟子清白皆曰唯然已見佛言若菩薩欲得如是清淨佛土當學無動如來所行之道現此妙喜

國時娑婆世界十四那由他人發阿耨多羅三藐三菩提心皆願生於妙喜佛土釋迦牟尼佛即記之曰當生彼國時妙喜世界於此國土所應饒益其事訖已還復本處舉衆皆見

佛告舍利弗汝見此妙喜世界及無動佛不唯然已見世尊願使一切衆生得清淨土如無動佛獲神通力如維摩詰

世尊我等快得善利得見是人親近供養其諸衆生若今現前若佛滅後聞此經者亦得

善利況復聞已信解受持讀誦解說如法脩行若有手得是經典者便爲已得法寶之藏若有讀誦解釋其義如說脩行則爲諸佛之所護念

肇曰行應於內念護於外理會冥感自然

之數耳

肇

其有供養如是人者當知則爲供養於佛肇曰是人即佛所護念人

其有書持此經卷者當知其室則有如來若聞是經能隨喜者斯人則爲取一切智若能

信解此經乃至一四句偈爲他說者當知此

人即是受阿耨多羅三藐三菩提記
法供養品第十三

爾時釋提桓因於大衆中白佛言世尊我雖從佛及文殊師利聞百千經未曾聞此不可

思議自在神通決定寶相經典

肇曰說經將訖舍利弗已慶美於上帝釋復欣其所遇而致歎也此經言雖簡約而義包群典坐不踰日而脩觀通變大乘微遠之言神通感應之力一時所遇理無不

盡又以會我爲妙故歎未曾有也

如我解佛所說義趣若有衆生聞是經法信解受持讀誦之者必得是法不疑何況如說

脩行斯人則爲開衆惡趣開諸善門常爲諸佛之護念降伏外學摧滅魔心脩治菩提安

上

上

處道場履蹟如來所行之跡世尊若有受持讀誦如說脩行者我當與諸眷屬供養給事所在聚落城邑山林曠野有是經處我亦與諸眷屬聽受法故共到其所其未信者當今生信其已信者當爲作護

佛言善哉善哉天帝如汝所說吾助爾喜此經廣說過去未來現在諸佛不可思議阿耨多羅三藐三菩提是故天帝若善男子善女人受持讀誦供養是經者則爲供養去來今佛

肇曰善其護持之意也三世菩提不思議道皆陳在此經若受持護養則爲供養三世諸佛故助汝喜

天帝正使三千大千世界如來滿中譬言如甘蔗竹葦稻麻叢林若有善男子善女人或一

劫或減一切恭敬尊重讚歎供養奉諸所安至諸佛滅後以一一全身舍利起七寶塔縱廣一四天下高至梵天表刹莊嚴以一切華香瓔珞幢旛伎樂微妙第一若一劫若減一劫而供養之於天帝意云何其人植福寧爲

多不釋提桓因言多矣世尊彼之福德若以百千億劫說不能盡佛告天帝當知是善男子善女人聞是不可思議解脫經典信鮮受持讀誦脩行福多於彼所以者何諸佛菩提是從是生菩提之相不可限量以是因緣福

不可量

佛告天帝過去無量阿僧祇劫時世有佛號
曰藥王如來應供正徧知明行足善逝世間
解無上士調御丈夫天人師佛世尊世界曰
大莊嚴劫曰莊嚴佛壽二十九劫其聲聞僧

廿

三

三十六億那由他菩薩僧有十二億天帝是
時有轉輪聖王名曰寶蓋七寶具足王四天
下王有千子端正勇健但伏怨敵爾時寶蓋
與其眷屬供養藥王如來施諸所安至滿五
劫過五劫已告其千子汝等亦當如我以深

心供養於佛於是千子受父王命供養藥王
如來復滿五劫一切施安

肇曰上以則供養校受持受持即法供養
也如來將成法供養義故引成事以爲證
焉

其王一子名曰月蓋獨坐思惟靈有供養殊
過此者

什曰冀或有大德諸天殊特供養若有過
此慕欲及之云雖已所珍不能上悅聖心
冀所珍之外有以暢其誠心故發斯念更

推勝供也
以佛神力空中有天曰善男子法之供養勝諸供養

什曰若財供養則於佛無用於衆生無益故非所欣也如來積劫累功本爲衆生若

奉順經典如說脩行則稱悅聖心乃真供養也

即問何謂法之供養天曰汝可往問藥王如來當廣爲汝說法之供養即時月蓋王子行詣藥王如來稽首佛足却住一面白佛言世

尊諸供養中法供養勝云何名爲法之供養佛言善男子法供養者諸佛所說深經

什曰三歲及雜歲菩薩歲五歲經也上四歲取中深義說實相等故得爲深經也從此至下十方三世諸佛所說盡是廣歎佛

所說深經未明受持脩行法供養義也

一肇曰深經謂方等第一義經也其旨深玄非有心之所得微妙無像非明者之所覩超絕塵境無染若空欲以有心有明而信

受見者不亦難乎自此下美深經之旨諸佛所說深經即佛法身也夫財養養四體法養養法身若能護持斯經令法身增廣者此供養之上也

非但分別思惟之所能得

肇曰第一義經微遠無相自非明拈孰能分別業之差別雖由分別然非分別之所能得得之者其唯無分別乎

菩薩法歲所攝陀羅尼印印之

肇曰菩薩法歲之所攝固非小乘之理摠

持印之所印固非域中之道摠持所印所印必真法藏所攝所攝必實既歲以法藏印以摠持豈是常人所能開發以明法寶深固難可闡關也生曰陀羅尼者持也若持實相不失於諸天人魔梵之中不復畏

華

古

有不通之義譬若以王印爲信關津諸禁莫能呵留果是印持所印之經則無有閼矣

至不退轉成就六度善分別義順菩提法衆

肇曰三藏十二部方等爲第一
入大慈悲離衆魔事及諸邪見

肇曰魔四魔見六十二見

順因緣法

什曰若法定有則不生滅若法全無亦不

生滅不生不滅則與因緣相違深經所說
非有非無非有非無故順因緣法也

肇曰法從因緣生緣生則無自性無自性

則無主無主則無我人壽命惟空無相無

作無起此深經之所順也生曰此則因緣
法矣

能令衆生坐於道場而轉法輪諸天龍神乾
闔婆等所共歎譽能令衆生入佛法藏攝諸
賢聖一切智慧說衆菩薩所行之道依於諸

肇

法實相之義明宣無常苦空無我寂滅之法

肇曰不依實相辯四非常者非平等教也

依實相乃曰明也

能救一切毀衆生

什曰小乘法中五逆罪及犯四重禁則皆

棄而不救大乘深法則無不救也

諸魔外道及貪著者能使怖畏

肇曰毀四禁犯五逆小乘法所不能救衆
魔外道貪著豪恣小乘法所不能滅能救
能滅者其唯大乘方等深經手

諸佛賢聖所共稱歎育生死苦示涅槃樂十

方三世諸佛所說若聞如是等經信解受持
讀誦以方便力爲諸衆生分別解說顯示分
明守護法故是名法之供養

肇曰如是等經盡諸佛法身也若聞斯經

能信解護持宣示分別令大法增廣者名
法之供養成法身也

又於諸法如說脩行

什曰上章明奉順經典真法供養也如說
脩行通舉六度也十二因緣以下明得無

生忍以寶智慧隨順寶法也

隨順十二因緣離諸邪見得無生忍決定無
我無有衆生

肇曰不悟緣起故有邪見之迷封我之惑
若如說行則得明慧明見十二因緣根源

所由故能斷諸邪見得無生忍無復吾我衆生之想也見緣如緣謂之隨順明白有無謂之決定皆智用之別稱也

而於因緣果報無違無諍離諸我所

肇曰無違無諍即隨順義也五受陰身及

依於智不依識

肇
六

家屬所有因緣果報即我所也若能明見因緣果報之性順而無違則離諸我所也上直觀因緣知無造者故離我見今觀因緣果報知無屬者故離我所見也

肇曰六識識六塵而已不能分別是非分別是非其惟正智乎是以行者依智不依識也

依了義經不依不了義經

肇曰佛所說經自有義旨分明盡然易了

者應依亦有應時之經說言合道聖意難
知自未了者不可依也
依於法不依人

什曰佛言義泥洹後當依止四法以爲大
師所謂四依法也明此四法可依止可信

受也依於法不依人者法謂經教也當依
經法不可以人勝故背法依人也法有二
種一文字語言二義法莫依語也義亦有
二種一識所知義二智所知義識則唯求
虛妄五欲不求實利智能求實利棄五欲

故依智所知義不依識所知義爲求智所
知義故依智也智所知義亦有二種一了
義經二不了義經不了義經如佛說殺父
母無罪未分別是不了義也若言無明是
父愛是母生死根本故名父母斷其本則
生死盡故言殺之無罪既分別是了義經
也復次若佛言佛是人中第一涅槃是法
中第一如是等皆名了義也是故當依了
義經莫依不了義經
隨順法相無所入無所歸

肇曰法即下因緣法也上順因緣知法無生今順因緣知法無盡也法從緣而有從緣而無其有不從未來來其無不歸入過去去故曰無入無歸也

無明畢竟滅故諸行亦畢竟滅乃至生畢竟

不復起見

肇

大

肇曰滅盡義一既曰畢竟滅而曰無盡者何耶夫滅生於不滅畢竟常滅則無不滅無不滅則滅無所滅滅無所滅即是無盡義也

滅故老死亦畢竟滅

什曰此即四依中如實法也上十二因緣明如說脩行隨順因緣故得無生法忍今明行四依依十二因緣如實相也作如是觀十二因緣無有盡相

肇曰上觀因緣無生離常我等諸見今觀是名最上法之供養

佛告天帝王子月蓋從藥王佛聞如是法得

柔順忍

什曰柔謂軟鈍也於實相法未能深入軟智軟信隨順不違故名柔順忍也

即解寶衣嚴身之具以供養佛白佛言世尊如來滅後我當行法供養守護正法願以威神加哀建立令我得降魔怨脩菩薩行

什曰四魔合爲三慾一煩惱二天魔三外道也如來滅後魔力未具若不加威神則爲魔所壞不能降伏故請加威神佛知其深心所念而記之曰汝於末後守護法城天帝時王子月蓋見法清淨聞佛授記

以信出家脩集善法精進不久得五神通達菩薩道得陀羅尼

什曰是聞持也

無斷辯才於佛滅後以其所得神通總持辯才之力滿十小劫藥王如來所轉法輪隨而

持

尤

分布月蓋比丘以守護法勤行精進即於此身化百萬億人於阿彌多羅三藐三菩提立不退轉十四那由他人深發聲聞辟支佛心無量衆生得生天上天帝時王寶蓋置異人乎今現得佛號寶炎如來其王千子即賢劫

中千佛是也從迦羅鳩孫駁爲始得佛最後
如來號曰樓至月蓋比丘則我身是如是天
帝當知此要以法供養於諸供養爲上爲最
第一無比是故天帝當以法之供養供養於
佛

也

如是輩經於佛滅後末世之中汝等當以神

力廣宣流布於閻浮提無令斷絕

於是佛告彌勒菩薩言彌勒我今以是無量
億阿僧祇劫所集阿耨多羅三藐三菩提法
付囑於汝

什曰不付阿難以其無有神力不能廣宣

肇曰城高則衛生道尊則魔盛自非神力
無以制持故勸以神力也
所以者何未來世中當有善男子善女人及
天龍鬼神乾闥婆羅刹等發阿耨多羅三藐

故不付也維摩非此土菩薩故不囑也文
殊遊無定方故不囑囑彌勒者以於此成
佛故佛自以神力宣布欲成彌勒功業故

三菩提心樂于大法若使不聞如是等經則失善利

什曰若不聞此經或墜二乘則失大乘善利

如此輩人聞是等經必多信樂發希有心當

聲

字

以頂受隨諸衆生所應得利而爲廣說

肇曰法之通塞損益若是故勸彌勒頂受

廣說

彌勒當知菩薩有二相何謂爲二一者好於

雜句文飾之事二者不畏深義如實能入若

之驚怖生疑不能隨順毀謗不信而作是言
我初不聞從何所來二者若有護持解說如
是深經者不肯親近供養恭敬或時於中說
其過惡

肇曰一毀法二毀人

有此二法當知是新學菩薩爲自毀傷不能
於深法中調伏其心彌勒復有二法菩薩雖
信解深法猶自毀傷而不能得無生法忍何
等爲二者輕慢新學菩薩而不教誨二者
雖鮮深法而取相分別是爲二法

肇曰因其所解而取相分別雖曰爲解未
合真解此學者之內患也

彌勒菩薩聞說是已白佛言世尊未曾有也
如佛所說我當遠離如斯之惡

肇曰一生大士豈有如斯之惡聞而後離

耶發斯言者爲未離者耳

奉持如來無數阿僧祇劫所集阿耨多羅三
藐菩提法若未來世善男子善女人求大
乘者當令手得如是等經與其念力

什曰以神通加其念力令不忘也問曰昔

時魔常來下壞亂學人今何因不來答曰
優婆掘恩力故佛在世時有外道薩遮尼
犍大聰明能論議心大憍慢知佛法尋妙
意欲出家問佛言我若出家智德名聞如
佛不佛言不得又問得如舍利弗不佛言

不得如是一一問五百弟子乃至問得如羅睺羅不答言不得於是尼犍言我出家既不得如佛又不得如弟子何用出家又問後當得不佛言後世無諸大人然後當得尼犍命終已佛泥洹後百年阿育王時

生出家學道得阿羅漢有大名聲教化國人令得阿羅漢者除度夫不度婦度婦不度夫不在數中但取夫婦俱時得羅漢者以筭子數之積算滿屋後泥洹時以筭子燒身不假餘物未泥洹時嘗於林中坐禪

見一餓狗饑羸將死常與諸比丘共分食與之狗遂腹脹欲死諸比丘各各繩床圍繞守視誦經說法狗以善心視諸比丘又聞法音命終已生第六天有大威德與魔王共坐時狗已臭爛彼魔心念何因有此

肇

主

大人與我共坐觀其本緣乃知是狗即大嗔恚是優婆擣比丘使是臭狗與我共坐當作方便令其毘尼時優婆擣林中坐禪入滅盡定庵以天上嚴飾華鬘繁頸上已廣說四衆將共視之此比丘於空閑處嚴

飾如是云何名爲清淨有德須臾優婆掘
從定起覺頭有華鬘知是魔爲即指云汝
是魔王即取死狗變爲華鬘極大嚴飾語
魔言汝以鬘供養我還以髮報汝可著之
便以神力繫蔓著魔王頸繫已還成死狗
脣脹蛆爛甚大臭惡魔以神力去之而不
能得至帝釋帝釋不受自還六天乃至梵
天皆悉不受不能爲解語言汝自還去求
彼比丘魔即至優婆掘所求解臭鬘優婆掘
掘即與要誓汝從今日乃至法盡莫復來

下壞亂學人又我雖見佛法身不見色身
汝今爲我變作佛形若能如是當解汝蠻
魔即受其誓便語比丘言我作佛時莫向
我禮於大林中變爲佛身相好具足放大
光明作諸弟子譬如舍利弗等大衆圍繞

聲

音

從林間來優婆掘歡喜踴躍忘其要誓即
爲作禮魔言云何違要而向我禮優婆掘
言我自作佛意禮耳於是臭鬘自然得解
魔言佛真大慈悲我種種惱佛佛不報我
而今比丘見報如是之甚比丘言佛大慈

大悲自能容忍我小乘之人不能如是魔
不來因緣畧說也

使受持讀誦爲他廣說世尊若後末世有能
受持讀誦爲他說者當知是彌勒神力之所
建立

佛言善哉善哉彌勒汝所說佛助汝喜於
是一切菩薩合掌白佛我等亦於如來滅後
十方國土廣宣流布阿耨多羅三藐三菩提
復當開導諸說法者令得是經
爾時四天王白佛言世尊在在處處城邑聚

落山林曠野有是經卷讀誦解說者我當率
諸官屬爲聽法故往詣其所擁護其人而百
由旬今無伺求得其便者

是時佛告阿難受持是經廣宣流布呵難言

唯我已受持要者世尊當何名斯經佛言阿
難是經名爲維摩詰所說亦名不可思議解

脫法門如是受持

佛說是經已長者維摩詰文殊師利舍利弗
阿難等及諸天人阿脩羅一切大衆聞佛所
說皆大歡喜

永樂北藏

維摩詰所說經注

第一八八册

維摩詰所說經卷第十終

犁

四